

Illustribus, Experientissimis ac Celeberrimis Viris

S. D.

Confessus Regius politico - medicus Pragensis promovendae variolarum vaccinarum infectionis causa erectus.

Quamadmodum Proceribus Regni nostri Gubernacula tenentibus, alia, quam Civium salus, non est legum norma, omnesque eorum curae in eo semper erigunt, ut quidquid unquam sive ad tuendam sive ad conservandam incolumitatem publicam & opportunum & necessarium esse arbitrantur, id omne avida promptaque manu arripere, omnique uelhibita opera promoveri satagant, ita de propulsando exstirpandoque varioloso contagio provide & tempestive coeperunt cogitare: immanem scilicet illam belluam, quae in utrumque sexum omnemque aetatem pari cum ferocia haecenus impune fornicando, & nec infanti quidem matris ubera fugenti punctioni parcendo, haud minorem a tot jam foeculis intulit peste, fame & bello humano generi perniciem, impugnari jusserunt; quod

1 v.
ipsum introducta in universum Regnum tutelarium variolarum insitione, tot experimentorum apud exteras Gentes captorum, prosperoque eventu coronatorum, exemplis permoti, consecuturos se esse non dubitarunt. Quo vero saluberrima hujuscemodi tentamina in re, in qua cunctari, nisi cum irreparabili humani generis detrimento, non licet, velociora & ampliora caperent incrementa, concessum politico-medico, qui ipsi insitionis operi praesesset, crexere. Nos hujus concessus membra, ut sapientissimis & saluberrimis Procerum nosserorum decretis in tanti momenti re morem gereremus, nosserarum esse partium duximus communicatas nobiscum a medicis tutelarium insitionem variolarum administrantibus observationes in ordinem redigere, easque cum similibus hactenus nobis cognitis comparare, critico oculo lustrare, immo pro circumstantiarum exigentia propriarum hinc inde additamento animadversionum locupletare. Quorum experimentorum observatorumque consecutaria praesens complectitur opus cui titulus:
Historia insitionis variolarum vaccinarum in Bohemia.
Suscipite igitur serena fronte, amica mente manuque haec tentaminum nosserorum ad stabilendum incomparabile Eduardi

2

Jenneri inventum susceptorum, primordia, eaque attentione
revera non penitus indigna habetote. Quod, si factarum
fortasse a vobis hac in re peculiarium quarundam observa-
tionum, quae in notitiam nostram hactenus non pervenissent,
participes nos deinceps esse volueritis, rem nobis profecto non
modo gratissimam vos praefituros, verum etiam ad profe-
quendos, quos inchoavimus labores novum calcem addituros,
spondemus. Valere.

Praga Bohemorum die 28 Decembris Anno 1803.

Abd. nobil. de Payer
Regni Professor
Praes.

Prof. Hally
Actuarius.